



Temahefte Mangelsjukdomar hos sau



Nortura
bondens selskap



Når det førekjem vantrivsel og därleg produksjon hjå søyer og lam bør ein ha mangelsjukdomar i tankane. I dette temaheftet beskriv vi dei vanlegaste mangeltilstandane og korleis ein kan behandle og førebyggje desse. Til slutt har vi med litt om korleis ein best kan gje mineral- og vitamintilskot i praksis.

Sauen treng både energi og protein i føret, men også ulike mineral og vitamin. Norsk grovfôr kan vera fattig på forskjellige mineral og vitamin. Her er nokre typiske situasjonar der det kan oppstå mangelsjukdomar:

- Lam i vekst er mest utsett. Unge dyr er også meir utsett for parasittar, noko som kan gje mangelsjukdomar. God mineral- og vitaminstatus hjå søya i drektigheita er viktig for å unngå mangelsjukdomar hjå lamma.
- Vaksne dyr kan også få mangelsjukdomar, spesielt i siste del av drektigheita og fyrste del av laktasjonen, fordi fostervekst og mjølkeproduksjon krev store omstillingar i føring og er veldig krevjande for søya.
- Besetninger som bruker lite kraftfôr og mineraltilskot.
- Område der jordmonnet er fattig på visse mineral.
- Gjødsling kan forskyva balansar, og mykje av eit element kan hemma opptak av andre.
- På inneföring med tilskotsfôr kan ein også koma skeivt ut ved å tilsetja for mykje eller for lite av visse element.

Minerala kan delast inn i makromineral og mikromineral (sporelement). Orda makro og mikro seier noko om mengda som trengst i føret, og ikkje kor viktige dei er. Makromineral er dei minerala dyra treng mest av og behovet blir ofte oppgjeve i g per dag eller g per kg tørrstoff. Mikrominerala treng sauken berre små mengder av i føret, og behovet blir ofte oppgjeve som mg pr dag eller mg pr kg tørrstoff. Drøvtyggjarane produserer mange av vitaminene dei treng sjølv ved hjelp av mikrobene i vomma.

MAKROMINERAL

Alle dei sju makromineralene er viktige for sauken: Kalsium (Ca), fosfor (P), magnesium (Mg), natrium (Na), klor (Cl), kalium (K) og svovel (S). Mangel på kalsium og magnesium er mest vanleg.

Kalsium og vitamin D

Akutt kalsiummangel hjå søye (mjølkefeber)

Kalsium er saman med fosfor ein viktig bestanddel i skjelettet, og er naudsynt for muskelfunksjonar og overføring av nerveimpulsar. Sauen har eit innfløkt system av mekanismar som sikrar at kalsiumhaldet i blodet blir halde stabilt og at den tek opp meir kalsium frå føret og mobiliserer frå skjelettet når behova er store. Desse mekanismane omfattar vitamin D og forskjellige hormon. Behovet for kalsium til fostervekst og mjøkeproduksjon er mykje større enn det som blir teke opp frå føret, og for å dekkje behovet må søya hente ut kalsium frå lageret i skjelettet. Mjølkefeber oppstår når reguleringmekanismane sviktar, slik at kroppen ikkje klarar å halde kalsiumnivået i blodet stabilt. Stresspåkjenningar kan bidra til å utløysa sjukdom hjå «dyr som ligg på vippen» fordi stresshormona endrer kalsiumfordelinga i kroppen slik at kalsiumnivået i blodet økk.

Førekomst

Mjølkefeber førekjem frå ca. seks veker før lamming og opp til fleire veker etter lamming. Sjukdomen kan oppstå under tilhøve med underfôring eller generelt därleg fôr, men førekjem helst ved bråe forskifte og i samband med stresspåkjenningar (driving, samling, kaldt vær, klypping). Risikoen for sjukdom aukar med aukande alder og lammetall, og hjå magre og svært feite søyer.

Symptom

Symptoma startar med nedsett matlyst, og søya vert ustø, får små muskelsittringar og blir gradvis meir slapp. Etter kvart får søya lammelser og vert liggjande, ofte med bakbeina strekt ut bakover.



Foto: Vibeke Tømmerberg, Animalia
Forsidefoto: Ole B. Årdal

Kroppstemperaturen er normal eller litt nedsett og vomrørlar og avføring er redusert eller opphört. Ho har ofte anstrengt pust (lungeødem). Utan behandling vil søya døy etter nokre få timer til eit par dagar. Sjukdommen kan vera vanskeleg å skilja frå fosterforgiftning (ketose) og magnesiummangel.

Behandling

Det er viktig at ein startar behandling så tidleg som mogleg i sjukdomsforløpet. Søyer med mjølkefeber svarar som regel raskt på behandling med kalsium (injeksjon direkte i blodet og under huda), medan øyer med ketose kan vera vanskelege å behandla. Nokre gonger kjem det tilbakefall, slik at det er nødvendig med fleire behandlinger.

Førebyggjing

Fôring

Jamm fôring med stabil god fôrkvalitet er viktig, og øyene bør få tilskot av mineral og vitamin gjennom heile inneføringsperioden. Bråe fôrskifte, som til dømes for rask opptrapping med kraftfôr, bør unngås. Jamt hold i holdklasse 3 - 3,5 er tilrådd gjennom heile drektigheita.

Hjå mjølkekjer er det kjent at høgt kaliuminnhald i føret i tida før kalving kan auke risikoen for mjølkefeber. Det er lite undersøkt om dette kan overførast til sau, men i flokkar med mykje mjølkefeber er det grunn til å ta ut fôrprøve med mineralanalyse og justere gjødslinga dersom kaliuminnhaldet i grovfôret er for høgt. Ut frå erfaringar på storfe, bør ein unngå kaliumrikt fôr i risikoperioden for mjølkefeber, og samstundes sikra at dyra har nok magnesium og salt.

Miljøtilhøve

Stabile tilhøve i miljøet med lite stress betyr mykje for å unngå sjukdom. Handtering av øyene i siste del av drektigheita bør reduserast til eit minimum, og gjerast roleg og skånsomt. Handteringen

vil bli mindre stressande for flokken når sauene er tamme. Ein bør unngå å klykke siste månaden av drektigheita og i kalde perioder, og det bør gå minst eit par dagar mellom klypping og vaksinering. For å redusere temperaturovergangen rett etter klypping, kan ein strø med halm, sette opp ei presenning for å hindre trekk og liknande. Lufting av sauene ute i dagsljos i fint vær verkar positivt, sidan solljos fører til produksjon av vitamin D i huda.

Lammetal

Ved mykje mjølkefeber i flokkar med høgt lammetal, bør ein vurdere tiltak for å redusera lammetalet.

Kalsium- og vitamin D-mangel hjå lam

Lam som står lenge inne om våren, kan i sjeldne tilfelle få vitamin D-mangel. Årsaka er mangel på solljos og produksjon av vitamin D i huda, og eventuelt at vitamin D-innhaldet i føret til øya er lågt. Vitamin D-mangel kan gje kalsiummangel, fordi vitamin D er viktig for omsetninga av kalsium i kroppen.

Symptom

Slike lam får plutselig epilepsiliknande kramper, men etter ei stund kan dei reisa seg, rista på seg og vera normale. Ved litt påkjennung kan dei få kramper att. Dersom dei ikkje blir behandla, vil deistryke med. Krampena utløysast ofte når lamma blir stressa, til dømes i samband med fôring.

Behandling og førebyggjing

Behandling med kalsium og vitamin D (injeksjon) har som regel rask effekt. Førebyggjing kan omfatte utslepp i dagsljos på fine dagar.

Rakitt - hjulbeinte lam

Rakittliknande sjukdom med skeive bein ("bent leg") førekjem av og til hos lam, helst på kopplam, men også hos lam som pattar mora. Gradvis meir misdanna bein, først og fremst framfötene, er det viktig-



Typiske symptom ved mjølkefeber er lammelser, bakbeina strekt bakover og opphørte vomrørsler. Pustevanskar og sliming frå nasen er ganske vanleg (foto: Grethe Ringdal).

gaste symptomet. Sjukdomen kjem av mangel på vitamin D, eller kalsium, eller helst ubalanse mellom kalsium og fosfor i føret eller mjølka (mykje P i høve til Ca). Riktig ernæring, sollys og godt høve til å røre på seg førebygger.

Fosfor

Fosfor er ein viktig byggjestein i skjelettet, og er også viktig for syre/base-balansen og energi- og proteinstoffskiftet. Rein fosformangel ser ein knapt i dag på norske sauar. På fôring med ekstremt låge fosforverdiar, kan ein få redusert førfordøyelighet og redusert appetitt. Tarmparasittar kan også gje fosformangel. Lågt fosforinnhald i blodet ser ein hjå søyer med mjølkefeber, men dette er ein fylgle av mjølkefeberen. Dersom ein fôrar einsidig med halm, kan ein teoretisk få fosformangel, men dette kan ein lett rette på ved å gje kraftfôr eller tilgang på godt beite.

Magnesium

Magnesium er viktig for vekst av protein og bein, immunforsvaret og muskelaktivitet. Akutt magnesiummangel («graskrampe») oppstår når magnesiumminnhaldet i blodet blir for lavt. Sauen har berre små tilgjengelege reserver av magnesium i kroppen og er difor heilt avhengig av jamm tilførsel i føret. Høgt kalium- og proteininnhald i føret vil redusera opptaket av magnesium, medan natrium (salt) aukar opptaket. Endringar i pH i vomma, og totaltilboden av magnesium i føret, betyr mykje for kor mykje magnesium som blir teke opp. Bråe førendringar kan difor ha dramatisk effekt.

Førekommst

Graskrampe er relativt sjeldan hjå sau, men kan opptre som eit besettingsproblem i einskilde flokkar. Problemets er ofte knytt til gardar eller beite med magnesiumfattig jordsmonn. Graskrampe opptrer ofte hjå lakterande søyer på vårbete. Då har ein høgt kalium- og proteininnhald i graset, bråe forskifte med endringar i pH i vomma og varierande tilbod av magnesium. Ved stress (handtering,

transport, beiteslepp, førskifte, kulde) kan ein få tap av magnesium frå blodet, og det kan utløye sjukdom. Risikoen for sjukdom aukar med aukande lammetal og alder.

Symptom

Søya vert nervös, har småskjelvingar i muskulaturen, gjerne i hovudet, har problem med å røra seg, men kan av og til gå ukoordinert med stive bein. Etter kort tid vert ho liggjande på sida med krampeliknande rørsler, ofte med alle fire bein, hovud og nakke strekt. Sjukdommen kan utvikla seg så brått, og søya kan dø så fort, at ein ikkje ser symptom i det heile tatt, ein finn berre søya daud på beitet. Ei kronisk form kan opptre hjå sau om vinteren ved svært därlege fôringstilhøve.

Behandling og førebyggjing

Dersom ein kjem tidleg til med behandling av sjuke søyer, kan ein få god effekt. Ein behandler gjerne med ein kombinasjon av magnesium og kalsium (injeksjon i blodet og under huda).

Tilførsel av natrium (saltslikkestein el.l), trevlerikt fôr, jamn fôring, gradvis utslepp med tilvenning til beite og minst mogeleg akutt stress, er viktig for å førebyggja magnesiummangel. I risikoflokkar kan ein gje magnesiumrikt mineraltilskot på vårbete. Men altfor mykje magnesium er ikkje heldig og kan gje diaré. Vêrar skal ikkje ha ekstra magnesium då dette kan føre til urinstein. Dersom jorda har veldig lav pH, bør det bli kalka sidan lav pH reduserer opptaket av magnesium i plantene. Dolomittkalk inneheld relativt mykje magnesium, så dette vil vera et godt val dersom det i tillegg er lite magnesium i jorda. Innhaldet i graset kan også aukas ved å bruke kunstgjødsel som inneheld magnesium, noko dei fleste fullgjødselsotypene gjer. Det finst også rein magnesiumnærings. Ein bør unngå gjødsling med for mykje kalium og nitrogen.



Slikkesteinen blir ein samlingsplass for dyra på beite, og det kan føre til problem med parasittar. For å redusere smittepresset, bør slikkesteinar plasserast på steingrunn og ikkje i eit område med mykje gras. Ein bør også skifte plassering av steinane jåmlig, og ha nok steinar i høve til tal dyr (foto: Grethe Ringdal).

Natrium og klor

Natrium og klor (salt) er saman med kalium viktig for væsketrykket i kroppen. Sauene blir sjeldan sjuke ved mangel, men det kan gje dårlig appetitt og nedsett mjølkeproduksjon og tilvekst. Beiteplanter og grovfôr inneheld ofte for lite natrium og klor til å dekkje behovet, og sauene treng difor som regel tilskot av salt både inne og på beite. Saltinnhaldet i plantene er høyare heilt ute ved kysten enn i innlandet fordi det vil drive inn salt frå havet, og i område rett ved sjøen er det ikkje sikkert at det er behov for tilskot. Sauen er i stand til å regulere natriuminntaket etter behovet, og blir ivrig etter salt («saltsvolten») når behovet ikkje er dekka. Ved å tilby sauene tilskot og sjå om dei et, så vil ein få svar på om det er nødvendig. Tilskot kan ein enklast gje gjennom saltslikkestein.

Kalium

Normalt er kaliuminnhaldet i føret mange gonger høyare enn trøngen, og mest alt kalium som dyra et, vert teke opp, så mangel er lite aktuelt hjå sau.

Svovel

Svovel inngår i mange protein i kroppen, og er viktig for ullproduksjonen. Ved mangel på svovel får ein difor sekundær proteinmangel, med nedsett produksjon av ull og dårlig kvalitet på ulla, nesten som ved kronisk koparmangel. Redusert appetitt, tilvekst og mjølkeproduksjon kan også vera symptom. Svovelmangel hjå sau er ikke vanleg i Noreg. Svovelinnhaldet i grovfôr og beitegras er ganske stabilt, og dei geografiske variasjonane er små.

MIKROMINERAL

Dei mikromineralene som det kan bli mangel på hjå sau er: Kobolt (Co), koppar (Cu), selen (Se), jod (I), molybdén (Mo), jarn (Fe), sink (Zn) og mangan (Mn). Her i landet er det mangel på kobolt, koppar, selen og jod som betyr mest.

Kobolt og vitamin B12

Sauen treng kobolt som byggestein i vitamin B12 og koboltmangel er eigentleg mangel på vitamin B12. Vitamin B12 er viktig for energiomsetjinga i cellene, for proteinomsetjing og celledeling. Sauen får i seg kobolt frå føret og lagar sitt eige B12 i vomma. Før lammet er blitt fullt utvikla drøvtyggar ved 2-3 månaders alder, må det ha tilført ferdig vitamin B12. Det får lammet gjennom råmjølka, som dei første døgra etter fødsel er rik på vitamin B12 dersom søya har fått tilstrekkelig tilførsel av kobolt i drektigheita. Vitamin B12 blir lagra i levera til lammet etter inntak av råmjølk.

Førekomst

I Noreg førekjem mangel helst hjå lam som beiter på kalka og gjødsla kulturgeite/grasbeite langs kysten, spesielt på Vestlandet og nokre stader langs kysten av Nord-Noreg. Dersom sauene berre går på innmarksbeite, kan ein ikkje sjå bort frå at det kan oppstå koboltmangel også på Austlandet. Ei kartlegging av sporelementinnhaldet i beiteplanter og leverprøver frå sau syner at lauv (m.a. vier og bjørk) inneheld mykje kobolt, og ein ser vanlegvis ikkje koboltmangel hjå lam som går på fjellbeite, skogsbeite eller andre varierte utmarksbeite. Det er mange faktorar som verkar på koboltoptaket i plantene: Sandjord, mykje regn, høg pH i jorda og høgt kalsiuminnhald i graset, bladrikt beite og godt drenert jord er kjenneteikn på mangelbeite. Beite med raigras, lågt kopparinnhald i jorda og høgt sukkerinnhald i beitegraset har også vore fellestrekke ved mangelbeite hjå oss. I strok med marginale koboltverdar i graset, kan kalking og bruk av kalksalpeter vere den faktoren som tippar balansen over i koboltmangel. Sjukdom i laupen og tarmen, til dømes parasittar, kan hemma produksjon og opptak og gje sekundær B12-mangel.

Symptom

Symptoma er uspesifikke. I alvorlege tilfelle vert lamma utrivelege allereie ved to månaders alder, dvs. i juni-juli. Meir vanleg er redusert tilvekst utpå seinsommaren og hausten. Symptom er avkref-



Lam med koboltmangel har ofte eit utriveau preg, og dei kan ha ru og bustete ull, rennande augo og småskorper på øyrene. Liknande symptom kan ein også sjå ved andre sjukdommar, f.eks. andre mangelsjukdommar eller parasittatak (foto: Martha Ulvund).

ting, därleg appetitt, lite og turr ull, småskorper på øyrene, renning frå augo og apati. I alvorlege tilfelle blir det leverskade (kvitleversjuke). Koboltmangel kan også føre til at lamma kjem seint i puberteten. Sjukdommen kan vere vanskeleg å skilja frå parasittangrep eller mangel på andre mineral. Koboltmangel hjå vaksne sauar kan gje därleg fruktbarheit og tidleg fosterdød. Lamma kan ha redusert leveevne.

Behandling

Sjuke dyr bør bli behandla med vitamin B12 (injeksjon). Dyr som ikkje er så alvorleg sjuke, kan få kobolt dosert i munnen.

Førebyggjing

Tilskot til søyer i inneføringsperioden

For å førebyggje mangel hjå lamma er det viktig atøyene får tilskot av kobolt i form av kraftfôr og/eller mineraltilskot i drektigheita. Det er også viktig at lamma får i seg nok råmjølk.

Tilskot til lamma i beiteperioden

I område/besetningar der koboltmangel er påvist, kan ein gje kobolttilskot til lamma i beiteperioden. Det finst fleire alternativ:

- Dosering av lamma med koboltbolus, men då må lamma vera over to månader gamle ved dosering og ha utvikla vom. Bolusen blir liggande i nettmagen og vil gradvis løysast opp og frigi kobolt i ein viss tidsperiode.
- Saltslikkestein og/eller mineralstein inneheld kobolt og kan brukast som tilskot i beiteperioden.

Gjødsling

For å auke koboltinnhaldet i beitegraset på innmarka og i grovfôret, er det aktuelt å gjødsle med kobolt. Det einaste alternativet per i dag er Heilgjødsel 18-1-10 med kobolt produsert av Norsk naturgjødsel. Koboltinnhaldet i gjødsla kan tilpassast etter behov. (www.naturgjødsel.no).

Koppar

Koppar er viktig for funksjonar i nervesystemet, danning av bein, immunforsvaret, ullveksten, melting i tarmen og motstandskraft mot tarmparasittar. I Noreg oppstår kopparmangel som regel fordi grovfôret eller beitegraset har høgt innehald av mineral (molybden, og eventuelt svovel og jarn) som hemmar sauens sitt opptak av koppar.

På den andre sida er sauene under visse tilhøve ekstremt sårbar for kopparforgifting. Dette skuldast at sauene har stor evne til å lagre koppar i kroppen, medan evna til å regulere utskiljinga er liten, og vaksne sører i nokre område kan få opphoping av koppar i levra. Slike dyr kan bli brått sjuke og dø av kopparforgifting. Kopparforgifting er sjeldan i dag, men kan opptre i einskilde område. Det er raseforskjellar når det gjeld kor mykje av kopparet i føret som blir teke opp, og kor mottakelige sauene er for forgifting.

Førekomst

Kopparnivået i beiteplantar og grovfôr er ganske likt over heile landet, men molybdeninnhaldet varierer. Difor er det stor variasjon i kopparforsyninga til sau mellom ulike deler av landet og ulike beiteforhold. Risikoien for kopparmangel ser ut til å vera størst hjå lam som går på innmarksbeite i nokre område, mest langs kysten av Sørlandet, Vestlandet opp til Sogn, Lofoten og Vesterålen. I indre delar av Austlandet, Møre, Trøndelag, Nordland og Troms ser det ut til å vere større risiko for kopparoppophoning.

Symptom

Kopparmangel hjå sører i drektigheita kan gje alvorleg hjerneskade på fosteret. Lamma vert fødde med därleg balanse og eventuelt lammingar i bakparten (såkalla «swayback»). Ved ein mindre alvorleg mangel, kan lamma få liknande symptom når dei er fleire veker gamle. Både desse tilstandane er svært sjeldne i Noreg, men er sett nokre få gonger på Vestlandet.



Råmjølk er ei viktig kjelde til vitamin E for lamma (foto: Mina Klaseie, Animalia).

Kopparmangel i beiteperioden kan gje dårleg tilvekst, ullforandringer (tørr, livlaus og avbleikt ull utan naturleg krøll), sprø beinkvalitet, vedvarande diaré, nedsett motstandskraft mot bakterieinfeksjonar og blodmangel (anemi). Slik kopparmangel er kjent i Noreg, men utbreiinga er lite kartlagt.

Behandling

Det er lite aktuelt å behandla dyr med klinisk kopparmangel på grunn av faren for forgifting, men når kopparmangel er påvist er det aktuelt å gjere førebyggjande tiltak.

Førebyggjing

På grunn av faren for forgifting, skal ein ikkje gje koppartilskot til sau utan at det er ein klar indikasjon på mangel, og ikkje gje fleire formar for tilskot samstundes. God utgreiing er naudsynt før ein gjer tiltak, helst med prøvetaking av eit utval dyr i besetninga i samråd med veterinær. Enkelte saueraser, som texel, charolais og suffolk, er kjent for å vere spesielt utsett for kopparforgifting. Ein skal vere forsiktig med koppartilskot til slike rasar.

Koppartilskot kan ein gje på fleire måtar, mellom anna som slikkestein med koppar (inne og ute) eller kopparbolus. Gjødsling med koppar på innmarksbeiter kan vera aktuelt. På sandjord kan effekten av koppargjødsling vere i 10-13 år, medan det i toryjord kan vera naudsynt med årleg gjødsling. Heilgjødsel 18-1-10 produsert av Norsk naturgjødsel kan tilsetjast koppar etter behov (www.naturgjodsel.no). Ein kan og prøve Coptrac frå Yara, men denne er noko vanskelegare å fordele da ein berre skal bruke små mengder. Ein bør ikkje kalke beitene unødvendig sidan det reduserar opptaket av koppar i plantene.

Selen og vitamin E

Mangel på selen heng ofte saman med mangel på vitamin E. Selen og vitamin E er antioksidantar som vernar cellene mot skadelege

stoff som blir laga under eit normalt cellestoffskeife. Mangel vil difor føre til skade på celler og vev, spesielt muskelceller.

Førekomst

Sjukdom på grunn av mangel er mest vanleg hjå unge lam om våren. Selennivået i jordsmonn og planter i Noreg er generelt lågt, både i dyrka gras og ville beiteplanter. Det er risiko for selennangel i heile landet, men risikoen er størst i innlandsstrok fordi selennivået generelt er lågare i innlandet enn langs kysten. Sidan ferskt gras inneholder mykje vitamin E, er det ikkje vanleg med mangel på beite om sommaren. Vitamin E vert lett øydelagd under fortørking og lagring av gras, og innhaldet i grovføret kan variere ein del. I godt surfør frå tradisjonell tårnsilo blir vitamin E ganske godt bevart, medan innhaldet er meir variabelt i rundballar. Høy inneheld lite vitamin E, så i besetninger der det blir brukt mykje høy, er det større risiko for mangel.


Symptom

Lam frå søyer som har fått for lite tilskot av selen og vitamin E i drektigheita kan få muskelskader, såkalla «stivsjuke». Alvorleg mangel fører til daufødde eller svakfødde lam med skader i hjartemuskulaturen. Dei svakfødde lamma har teikn på hjartesvikt og vil ofte dø i løpet av få dagar. Det er ikkje så vanleg å sjå denne sjukdomsforma som eit besettingsproblem i dag, siden dei flesteøyene får noko mineraltilskot i inneføringsperioden. Når «stivsjuke» oppstår, er det helst hjå lam som er 3-6 veker gamle. Lamme får stiv og skrevande gange og problem med å reisa seg, og dette skuldast skadar i lår- og bøgmuskular. Sjukdommen kjem ofte etter utslepp på vårbeite eller beiteskifte, siden ekstra fysisk påkjenning gjer at trøngen for antioksidantar aukar.

Frå utlandet er det kjent at selennangel kan gje redusert tilvekst hjå eldre lam som går på ekstremt selenfattige beite. Det er ikkje undersøkt om ein liknande tilstand opptrer i Noreg. Nokre undersø-



Lam med jodmangel er ofte svake, har problem med å suge og ofte lav fødselsvekt og lite ull. Dei kan og ha forstørra skjoldbruskkjertel («struma»), som er eit sikkert teikn på jodmangel (foto: Anne Stebekk).



Kingar syner at underskot av selen også kan gje dårleg fruktbarheit og auka førekomst av infeksjonssjukdomar hjå søyra.

Behandling

Lam med stivsjuke kan behandlast med injeksjon av selen og vitamin E.

Førebyggjing

Siden grovfôret inneholder ikke nok jod til å dekke behovet, er det naudsynt med tilskot til søyene i innføringsperioden i form av kraftfôr og/eller mineraltilskot. I tillegg tilrar ein å gi ekstra vitamin E-tilskot dei siste 7 vekene før lamming til søyra som er fostertelt til minst 3 lam. Bakgrunnen for tilråinga er resultata fra eit norsk forsøk utført i 2012 som synte at ekstra vitamin E i siste del av drektigheita gav færre daudfødde lam hjå søyra med 3 eller fleire lam. Råmjølka er ei viktig kjelde til vitamin E for lamma. For at råmjølka skal bli rik på vitamin E, er det viktig at søyene får tilstrekkeleg med vitamin E i slutten av drektigheita. Lamma må òg få i seg nok råmjølk.

Før å auke seleninnhaldet i grovfôret og beitegraset (innmark) kan selenhaldig kunstgjødsel være aktuelt, for eksempel Fullgjødsel 21-3-8 og OPTI-NK 22-0-12 3S+Se.

Ein skal vere merksam på at selen er giftig i større mengder. Det er difor viktig å vurdere kor mykje selen dýra får i seg totalt om ein gjev fleire typar selentilskot samstundes.

Jod

Jod inngår i stoffskiftehormonet tyroksin som blir produsert i skjoldbruskkjertelen, og er difor naudsynt for å oppretthalde eit normalt stoffskifte. Jodmangel kan oppstå fordi fôret inneholder lite jod, eller som følgje av høge nivå av jodbindande stoff (såkalla goitrogener) i fôret. Desse stoffa forstyrrar opptaket av jod, og er særleg vanlege i

raps og liknande førslag. Kor mykje jodbindande stoff i fôret til sau betyr i Noreg, er usikkert. Selen er viktig for å få omsett jod i kroppen, og alvorleg selenmangel kan difor forverre ein jodmangel.

Førekomst

Det er stor variasjon i jodinnhaldet i jordsmonnet mellom ulike delar av Noreg. Jodmangel opptrer hovudsakleg i innlandet, og det er risiko for mangel hjå sau i innlandsstrøk som ikkje får kommersielt kraftfôr eller mineraltilskot som er tilsett jod. I kyststrok er det vanlegvis meir jod i jordsmonnet fordi det blir ført inn frå havet med vind og regn. Ved bruk av korn (til dømes havre) som kraftfôr, skal ein vera merksam på at det er ei spesielt dårleg kjelde til jod.

Symptom

Typiske symptom på jodmangel hjå drektige søyra er kasting seit i drektigheita og/eller mange dødfødde og svakfødde lam. Lam med typiske symptom er svake, har problem med å suge og ofte lav fødselsvekt. Dei er utsett for nedkjøling fordi dei har lite ull og problem med å regulere kroppstemperaturen. Lamma kan ha unormal oppførsel på grunn av mangelfull utvikling av nervesystemet. Dødfødde og svakfødde lam kan ha forstørra skjoldbruskkjertel («struma»), og dette er eit sikkert teikn på jodmangel. Jodmangel kan også påverka tilveksten til lamma.

Jodmangel gjev sjeldan sjukdom hjå voksne dyr, men kan gje manglande brunst, tomme søyra og lave lammetall hjå søyene, og nedsett kjønnsdrift og sædkvalitet hjå værane. Jodmangel kan også føre til nedsett mjølkeproduksjon.

Behandling og førebyggjing

Sjuke lam kan bli behandla med dosering av jod i munnen. For å rette opp mangeltilstanden i ein flokk der jodmangel er påvist, er det aktuelt å tilføre ekstra jod til søyene i tillegg til kraftfôr og mineraltilskot, for eksempel ved spraying på fôret.



Lam er ofte litt blodfattige ved to til tre vekers alder, noko som kan resultere i at dei et jord når de blir slepte ut på beitet for å dekkje behovet for jarn (foto: Grethe Ringdal).

Jodmangel kan førebyggjast ved å gje kommersielt kraftfôr og/eller mineraltilskot til søyene i inneføringsperioden.

Jarn

Jarn inngår i dei rauda blodcellene og er naudsynt for transport og utnytting av oksygen i kroppen. Jarnmangel fører til at dyra blir blodfattige (mangel på rauda blodceller). I Noreg er det teikn på at lite jarn kan spela ei rolle ved såkalla laupemagesjuke («gastropati») hjå lam ved 2-5 vekers alder. Det kan ha samanheng med at jarnmengelen får lamma til å ete forureina talle eller jord, som igjen fører til unormal bakterievekst i laupen.

Førekomst

Mange lam er litt blodfattige som følgje av mangel på jarn ved 2-3 vekers alder fordi mjølkja inneheld lite jarn samstundes som behovet er høgt i denne perioden. Som regel førar ikkje dette til sjukdom hjå lamma, og dei får i seg jarn når dei byrjar å ete gras og jord frå beitet. Men i flokkar der sauene blir haldne innomhus dei første vekene etter lamming, og hjå kopplam på mjølcefôring som vert haldne inne, kan lamma utvikla jarnmangel som gjev auka risiko for laupemagesjuke. Jarnmangel er ikkje noko problem hjå vaksne sauер og hjå lam som går på beite, sidan grovfôr og beitegras inneheld rikelig med jarn.

Symptom

Jarnmangel med påfølgjande blodmangel (anemi) kan gje bleike slimhinner, dårleg tilvekst og nedsett appetitt og immunforsvar. Dyra får unormal appetitt, og det kan resultere i at dei et jord for å dekkje behovet for jarn.

Behandling og førebyggjing

Unngå lang inneføringsperiode etter lamminga så langt det er mogleg. Ved besettingsproblem med laupemagesjuke, kan det være aktuelt å gje førebyggjande jarntilskot til lamma i løpet av fyrste leveveke, helst dosert som injeksjon.

Sink

Sink er naudsynt for at mange av prosessane i cellene skal fungere normalt. I forsøk med lave sinkmengder i føret til lam, får ein redusert appetitt og tilvekst, redusert produksjon av sædceller, tap av ull og endringar i huda (fortjukka hud med sprekkar). Sinkmangel hjå sau i Noreg er sjeldan, men ein kan ikkje utelukka at det kan førekoma under visse tilhøve, helst i samband med mangel på andre mineral som kobolt og koppar. Beitegras og grovfôr over heile landet inneheld stort sett nok sink, og sauene tek opp sinken svært effektivt. Lauv inneheld rikelig med sink, så dyr på utmarksbeite vil ikkje komme i mangel. Nokre målinger har vist litt lave nivå på enkelte grasbeite ved kysten, men det har ikkje blitt bekrefta at dette har ført til mangel hjå dyra.

Mangan

Manganmangel er knapt nok påvist i Noreg, og grovfôr og beitegras inneheld meir enn nok til å dekkje behovet. Mangan blir og tilsett i kraftfôr og mineralblandingar. Manganmangel kan til dømes gje redusert fruktbarheit hjå sau.

VITAMIN

Vitamina kan delast i to grupper, feittløyselege (vitamin A, D, E og K) og vassløyselege (vitamin B og C). Hjå sau er det vanlegvis berre vitamin A, D og E som må tilførast gjennom føret. Mikrobaner i vomma produserer vanlegvis tilstrekkelige mengder av dei andre vitamina til å dekke sauens sine behov, så lenge byggsteinane finst i føret og vomma har ein normal mikrobeflora. Mangel på vitamin B1, B12, D og E betyr mest for sau her i landet.

Vitamin A

Vitamin A er viktig for vekst, for skjelettet, reproduksjon og for synet. Mangel på vitamin A kan gje vekttap, nedsett immunitet, dårleg nattsyn og nedsett fruktbarheit. Beitegras og grovfôr inneheld vanlegvis rikelig med karotener som vert omdanna til vitamin



Som ein generell tommelfingerregel blir det ofte sagt at dyr som får mindre enn 0,3 - 0,4 kg sauekraftfôr per dag bør få mineral- og vitamintilskot (foto: Ola Nafstad, Animalia).

A i kroppen, og mangel er sjeldan hjå sau i Noreg. På fôring med gammalt, brunt og turt høy utan tilskotsfôr kan innhaldet vere lågt.

Vitamin B1

Mangel på vitamin B1 (tiamin) fører til sjukdommen hjernebarksår (CCN). Tiamin er naudsynt for omsetting av karbohydrat og normal funksjon av nervesystemet og musklar.

Førekjemst

Hjernebarksår førekjem heile året, men er mest vanleg på innefôring og helst hjå unge dyr. Mangel førekjem ved meltingsforstyrningar i vomma, til dømes ved at tiaminproduserande mikrobar dør ut. Mangel på mat og drikke i 1-2 dagar, bråe forsikte og kraftig fôring kan utløysa sjukdommen. Nokre planteslag, som kjerringrokk og einstape, inneheld stoff som bryt ned tiamin.

Symptom

Symptom er diaré, uro, nedsett syn, og sauens vert liggande flatsides med hovudet bakover og strekte bein.

Behandling og førebyggjing

Behandling med tiamin (injeksjon) på eit tidleg stadium har ofte god effekt.

For å førebyggja sjukdom er det viktigaste å sørge for at dyra har velutvikla og stabil vomfunksjon. Endringar i fôringa må gjerast gradvis, så mikrobane i vomma får tid til å tilpasse seg. Tilstrekkelig fiberinnhald i fôret er gunstig fordi det motverkar meltingsforstyrningar i vomma.

Vitamin B12

Vitamin B12-mangel er eigenleg mangel på kobolt og er omtala under koboltmangel.

Vitamin D

Vitamin D-mangel er nært knytta til kalsium og er omtala under kalsiummangel.

Vitamin E

Vitamin E-mangel heng ofte saman med mangel på selen og er omtala der. Tabell 1 gjev ein oppsummering av dei vanlegaste mangelsjukdommane hjå sau.

KARTLEGGING AV MINERAL- OG VITAMINSTATUS I FLOKKEN

I situasjonar der ei sauebesetning har spesielle problem som kan tyde på ein mangeltilstand, bør forholda utgreiast. Jord- eller fôrprøver med mineralanalyse kan gje nyttig informasjon, men det sikraste er som regel å ta blodprøver av eit utval dyr i flokken. I nokre tilfelle er det nyttig å ta ut leverprøvar av eit utval slaktedyr. For å finne ut av problemet kan det også vera aktuelt å undersøke effekten av å gje tilskot, t.d. ved å gje mineralbolus til eit av lamma i tvillingpar og samanlikne tilvekst, trivsel o.l. med lam som ikkje har fått bolus.

BRUK AV VITAMIN- OG MINERALTILSKOT

Korleis dekkje behovet

Grovfôret inneheld vanlegvis ikkje nok mineral og vitamin til å dekkje sauens sitt behov. I innefôringsperioden er det difor som regel naudsynt å gje tilskot. Team småfe i Nortura har laga eit forplanleggingsverktøy der ein kan rekne på mineraldekninga dersom ein har resultat av grovfôrprøver med mineralanalyse. Du kan laste ned dette reknearket frå "beregningskalkulatorer" på <https://medlem.nortura.no/smaafe/>. Som ein generell tommelfingerregel blir det ofte sagt at dyr som får mindre enn 0,3 - 0,4 kg sauekraftfôr per dag bør få mineral- og vitamintilskot. Vi har brukt dette verktøyet for å rekna på mineraldekning med ulike kraftfôrmengder i rasjonen, og denne regelen ser ut til å stemme bra i lågdrektigheit, utanom for salt

fortsetter på siste side



Tabell 1: Oversikt over forekomst, symptom og aktuelle tiltak ved vanlege mangeltilstander hjå sau

Mangeltilstand	Førekomst og symptom	Aktuelle tiltak
Kalsium (mjølkefeber)	Opptrer hjå sører fra ca. 6 veker før - 2 veker etter lamming. Ofte etter bråe forskifte og stresspåkjenninger (klypping, vaksinering el.l.). Søya blir ustø, får vanskar med å gå og blir etter kvart liggjande. Opphørte vombevegelser.	Sjuke dyr: behandlast med kalsiuminjeksjon. Javn føring med stabil god forkvalitet og mineral- og vitaminforsyning heile inneføringsperioden. Stabile tilhøve i miljøet med lite stress. I flokkar med mykje mjølkefeber: gjer ei utgreiing for å finne årsaker og iverksett tiltak ut ifrå det.
Magnesium (graskrampe)	Vanlegast hjå lakterande sører på vårbete. Ofte etter bråe forskifte og stresspåkjenninger (beiteselepp, kalde, handtering el.l.). Problemet er ofte knytt til einskilde gardar eller beite med magnesiumfattig jordsmønn. Søya blir ustø og vert liggande med stive, krampeliknande rørsler, ofte med alle fire bein, hovud og nakke strekt.	Sjuke dyr: behandlast med magnesiuminjeksjon (og ofte kalsium i tillegg). Javn føring, treverlirk for og gradvis tilvenning til beite, tilførsel av salt (saltslikkestein el.l.). Stabile tilhøve i miljøet med lite stress. I flokkar med mykje graskrampe: magnesiumtilskot til søyene på vårbete. evt. magnesiumhaldig gjødsel. Unngå gjødsling med mykje kalium og nitrogen.
Kobolt og vitamin B12	Vanlegast på kalka og gjødsla innmarksbete langs kysten, særleg på Vestlandet. Kan få stopp i tilvekst fra 3-5 mnd. alder. Tilveksten er ofte ujamn med stor variasjon i flokken. Renneende augo, skorpar på øyra. Ru og bustete ull.	Alvorlig (klinisk) sjuke lam: Vitamin B12-injeksjon. Sikre god status hjå søyene i drektigheita. Nok råmjølk. Koboltilskot (koboltbolus el.l.) til lamma. Kobolthaldig gjødsel på beitene.
Koppar	Vanlegast hjå lam som går på innmarksbete i nokre område, mest langs kysten av Sørlandet, Vestlandet opp til Sogn, Lofoten og Vesterålen. Uttalt mangel (swayback) ser ein på nyfødde lam, men dette er lite aktuelt i Noreg. I beitesesongen: lite kartlagt i Noreg. Dårleg tilvekst, därleg ull - gjerne utan krøllar, blodmangel (anemi).	Kopparholdig tilskot (bolus, saltslikkestein med koppar el.l.). Kopparhaldig gjødsel. NB! Kopparstatus bør utgreiast først på grunn av faren for forgifting.
Selen og vitamin E	Selenmangel er vanlegast i innlandet, men nivået kan være lavt i heile landet. Høy (og evt. godt fortørka surfør) inneholder lite vitamin E, ferskt gras inneholder mykje. Daudfødde eller svakfødde lam. Lam som er 3-6 veker (meir vanleg): stiv gange og problem med å reise seg opp. Eldre lam: Dårleg tilvekst og vantrivsel (lite undersøkt i Noreg).	Klinisk sjuke lam: injeksjon med selen og vitamin E. Selen-tilskot (mineraltilskot dersom lite kraftfør, slikkestein, evt. bolus) til drektige sører. Ekstra vitamin E-tilskot dei siste 7 vekene før lamming til sører som er fostertelt til minst 3 lam reduserer andelen daudfødde lam. Selenhaldig gjødsel.
Jod	Mest aktuelt i innlandsstrok, i besetningar som ikkje gir kraftfør eller mineraltilskot. Vanlege symptom er kasting seint i drektigheita, mange daudfødte og svakfødte lam, brunstmangel og mange tomme sører, men kan også påverke tilveksten hjå lammene.	Lam med jodmangel: jod dosert i munnen. Førebyggjing ved å gje kraftfør og/eller mineraltilskot i inneføringsperioden.

Tabell 2: Anbefalte normalverdier for makro- og mikromineral i føret til sau (NRC, 2007)

	g/dag						mg/dag					
	Ca	K	P	Mg	Na	S	Fe	Mn	Zn	Cu ⁵	Se	Co
Påsettlam ¹ i vekst	4.8	7.0	3.7	1.5	0.9	2.7	79	29	49	7.8	0.46	0.30
Påsettlam ² høgdrektig, veker før lamming:												
6-2	5.8	8.1	3.8	1.4	0.9	3.3	51	31	51	8.6	0.19	0.19
2-0	8.1	8.8	5.1	1.5	0.8	3.7	47	31	51	8.6	0.19	0.21
Søye ³ vedlikehald	2.6	7.1	2.2	1.4	0.9	2.1	11	21	41	5.3	0.07	0.13
Søye ⁴ høgdrektig, veker før lamming:												
6-2	7.0	9.0	5.1	1.9	1.2	2.9	60	48	65	13.5	0.15	0.18
2-0	9.4	9.4	5.8	2.2	1.1	3.2	60	48	65	13.5	0.15	0.20
Søye tidlig laktasjon:												
1 lam	6.3	11.1	5.9	2.4	1.4	3.4	14	27	74	11.1	0.50	0.43
2 lam	8.5	12.1	7.4	3.0	1.6	3.4	17	31	96	13.7	0.79	0.43
≥3 lam	11.3	15.6	10.3	3.5	1.9	5.0	18	35	113	15.7	1.01	0.62
												2.5

¹ Påsettlam på 50 kg med tilvekst på 250 g per dag.

² Påsettlam på 60 kg med 1 lam

³ Vaksen søye på 80 kg. Vedlikehaldsbehovet gjeld fram til dag 105 i drektigheita.

⁴ Søye på 80 kg med 2 lam.

⁵ Koppar (Cu): Under tilhøve der føret inneholder mykje molybden (og svovel) aukar behovet for koppar. Mykje molybden i høve til kobbar (lågt Cu/Mo-forhold) gjev fare for kopparmangel, mens lite molybden i høve til koppar (høgt Cu/Mo-forhold) gjev fare for kopparforgifting.

Tabell 3: Oversikt over ulike måter å tilføre mineral på

Tildelingsform	Bruk
Mineralblandinger, pellets og pulver for dagleg avgrensa tildeling.	Relativt arbeidskrevjande og best egna til inneføring. Tildeling på forbrett, forkrybber o.l. fungerer ofte best. Gje relativt god kontroll på tildelinga, men alle må kunne eta samstundes. Mineralblandinger i pulverform kan strøast på surføret slik at det klistrar seg fast. Pulveret fungerer ofte dårleg ved høyføring, sidan det ikkje fester seg til føret på samme måte. Avgrensa tildeling av pulver er nok den rimelegaste måten å gje mineral- og vitamintilskot på. Gje ein pellets, må ein ofte auke mengda fordi pellets innhold korn for å gjera den meir smakeleg.
Mineralblandinger berekna for fri tilgang (bøtte, blokk, pulver, mineralstein)	Lite arbeidskrevende, men det er vanskelegare å sikre at alle får, og det kan bli stor variasjon i inntaket mellom dyr. For å få eit grovt overslag over mineraltilførselen på gruppenivå, må ein rekne på kor fort mineralbøtta o.l. minkar. Mineralstein er litt hardare og tåler nok best utandørs bruk.
Saltslikkestein	Lite arbeidskrevjande. Sau bør ha tilgang til saltslikkestein både inne og på beite for å dekke behovet for salt. Den gir i tillegg litt supplement av viktige sporelementer, men langt mindre enn t.d. mineralstein. Det er difor tilrådd å gje saltslikkestein i tillegg til mineraltilskot berekna på fri tilgang, slik at noko av saltbehovet blir dekt av saltslikkesteinen som er mykje rimelegare enn mineralsteinen. Kor mykje dyra tek av steinen, blir regulert av behovet for salt («saltsvolt»). På beite nær sjøen kan graset innehale såpass mye salt at sauene ikkje blir «saltsvoltne», og i slike område vil saltslikkesteinen ofte fungere dårleg til sporelementtilførsel om det er behov for det. Da kan ein bruke feks. mineralstein med andre smaksstoff. Slikkesteinen blir en samlingsplass for dyra på beite, og det kan føre til problemer med bl.a. parasittar. For å redusere opptaket av parasitt-larver, bør slikkesteinen plasserast på steingrunn og ikkje i eit område med mykje gras. Ein bør også skifte plassering av steinane jammleg, og ha nok steinar i høve til tal dyr. Slikkesteinen bør helst bli plassert i nærleiken av vatn.
Mineralbolus	Ein mineralbolus består av ein kapsel som blir liggende i nettmagen til dyret. Den vil gradvis løysast opp og gje tilskot av mineral i ein viss tidsperiode. Lite arbeid, bortsett frå sjølv innlegginga. Gje god kontroll på tildelinga så alle får sin rasjon. Aktuelt i besetninger der bolus blir vurdert som den mest praktiske tildelingsformen, eller for å forebyggje mangeltilstandar. Bolus kan t.d. vere praktisk ved utegang og når det er behov for å gje tilskot i beiteperioden.
Gjødsling med spesial-gjødsel	Kan vere eit aktuelt tiltak. Har vore brukt på kulturbeite, særleg til kobolt og selen. Det er viktig å ta både jordprøver og grasprøver for å avdekke den faktiske situasjonen for å unngå unødvendig løsing med mineral og for å hindre ubalanse og forgiftning. Jorda sin pH er også viktig da ein eventuell mangelsituasjon kan bli snudd ved å kalke.

(NaCl). Ved å gje saltslikkestein, vil også saltbehovet bli dekt. I tillegg tilrår ein å gje ekstra vitamin E-tilskot dei siste 7 vekene før lamming til sører som er fostertelt til minst 3 lam. Større tilførsel av mineral- og vitaminblandingar enn tilrådd dose kan føre til for høg tilførsel av andre mineral/vitamin, og mange av dei inneheld både selen og E-vitamin. Da selen er giftig i store doser, må ein vera forsiktig med å auke mengda av slikt tilskot for å dekkje E-vitaminbehovet. Det blir difor tilrådd å supplere ei mineral- og vitaminblanding med spesielle E-vitaminpreparat.

I beiteperioden bør ein gje saltslikkestein for å dekkje behovet for salt og gje eit supplement av andre mineral. I besetninger med ein kjent mangeltilstand i beiteperioden (til dømes koboltmangel), kan det vera behov for å gje ekstra tilskot. Tabell 2 gjev ei oversikt over behovet for ulike mineral hjå sau.

Korleis gje mineraltilskot

Mineraltilskot kan bli gjeve på fleire måtar, og tabellen over gjev ei oversikt over dei ulike tildelingsmåttane. For å vurdere kva som er mest praktisk, må ein ta utgangspunkt i driftstilhøva i den einskilde sauebesetning.

Les meir om mangelsjukdommer på heimesidene til Helsetjenesten for sau (www.animalia.no/htsau).

Temaarket er skrive i 2003 av:
Martha J. Ulvund (NMBU)

Revidert i 2016 av:
Finn Avdem (Nortura)
Vibeke Tømmerberg (Helsetjenesten for sau - Animalia)
Ingjerd Dønnem (NMBU)
Linn Hege Engen (Nortura)
Tore Sivertsen (NMBU)



tlf: 03070

medlem.nortura.no/smaafe